



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXVI.

urn:nbn:de:hbz:466:1-42840

euanuit. quod verum fuisse literæ postea Roma redditæ nunciauere. Vide hæc, ac his plura anno 1581. pag. 448.

ob. 1615.
14. April.
De Soc. B.
V. sacra.
p. 307.
Vocatio.

1067 *P. Sebastianus Barradas* cuidam in religiosa vocatione vacillanti expressè dixit, inquit Burgessius; Beatissima Virgo, mi-frater, iussit me ingredi Societatem IESV. identidemque hoc abrep-tus feruore repetijt: Ipsa DEI Mater mihi imperauit ipsi: ipsa me iussit ingredi Societatem IESV. Et rumor percrebuerat aliquando, B. Virginem Patri Barradio locutam fuisse: vtque Societatem Filij sui ingrederetur, imperasse. Quis inde abeat quò suos Virgo mittit?

ob. 1615.
Molinis.
2. Febr.
Vocatio.

1068 *Mag. Nicolaum Hagais* de Societate in-eunda deliberabundum, ac timentem ne esset parum idoneus, Beatissima Virgo coram solari visa S. Pat-ri Ignatio commendauit, suumque illi auxilium, promisit semper adfore in vita, & in extremo vita.

ob. 1615.
Tarraco-
na.
Benedi-
ctionem
ab ea pe-
tere.
ob. Romæ
1615.

1069 *P. Ignatium Blancum* fama est conspectum fuisse genibus nixum penes B. Virginem, quæ illi apparebat; eidemque in suam fidem accepto suum auxilium promittebat. De *P. Petro Antonio Spinello* refert Cæsar Dengenius in sua Neapoli sacra pag. 231. chartam, quæ pro imprimendo eius de B. Virgine tomo veniebat, solam fuisse ab aquis intactam, teste typographo, cum reliqua charta omnis in nauî permaduisset: idque bis euenisse. In Domo Lauretana duas noctes duxit vigil, vt ho-norem quendam à se arceret.

ANNO MDCXVI.

ob. 1616.
Consilium
ab illa pe-
tere.

1070 *P. Bernardinus Realinus* adolescens tunc adhuc, deliberans ecquem è religiosis ordinibus capefferet, coronam Deiparæ attentius recitabat.

cum

cum ecce tibi consultrix Virgo magni consilij Angelum puerum IESVM tenero sinu gerens, illi se visa ostendere consilium dedit, vt se vexillo Filij sui in Societate IESV addiceret. Eadem illi postea Neapoli, iam Societati adscripto, dicitur adfuisse; & mirum quoddam puritatis nullâ deinceps rebellionem tentatâ donum à suo Filio impetratum, dedisse.

Et donum puritatis.

1071 Ingressus erat diuinorum beneficiorum seriem altâ mente perpendendam idem P. Bernardinus anno 1561. 3. Iulij manè, cum claram ac serenam nubem coram se aperiri, & in illa MARIAM augustâ maiestate nobilem atque amabilem videre se arbitrâbatur, quæ porrectâ illi manu dicebat: *Veni amice, veni!* sensitque se moueri loco, cum tunc sederet.

*Bonas inspiratio-
nes sequi.*

3. Iulij

1072 Eundem Litanijs recitandis vnâ cum reliqua Patrum coronâ intentum coram imagine Deiparæ (quæ nunc in eius cubiculo in B. Virginis sacellum verso seruat) Beatissima Virgo fertur inuississe, ac ad flagranter precandum ipso illo suo aspectu accendisse. Fuligatus in eius vita ait illam ei frequentissimè spectabilem adfuisse.

*Litanijs
attentè re-
citare.*

cap. 16.

1073 Aiebat Iosephus Papina sibi in tentatione IESVM & MARIAM à Realini formulâ inuocanti adesse visum ipsum Realinum, tunc licet absentem, idem sibi eo iam mortuo contigisse, seque ab illo etiam verbis contra hostis tentamenta firmatum. Internatales Christi ferias in tenuissima veste obriegescens, iussus ad suum conclauem se contulit. At præuenisse fertur eum qui Bernardino carbones afferre iussus fuerat Coadiutorem Virgo Mater, & inter caelestes Angelorum canentium choros, illum qui ignis consumens est, IESVM paruulum Bernar-

*In tenta-
tione.*

*In frigo-
re.*

§ § §

dino

dino in amplexus iam olim notos dedisse. Media
ferè hora illi lapsa erat inter illas delicias, cum
Coadiutor ignem afferens, Bernardinum inuenit
mirificè æstuantem, ac hæc identidem repetentem:
Adhuc paulum, Domina; adhuc modicum. Ac
totà deinceps hieme frigus nullum sensit. *Ad te
venio.* (verba sunt S. Ildephonsi ad B. V.) *ut facias
me diligere gloriam virtutis tuæ: ut reueles mihi mul-
titudinem dulcedinis filij tui.*

Libro de
virginit.
B. V. c. 12.

1074. Moriente P. Bernardino Realino referunt
processus, ut vocant, Thomam Santorum. Nota-
rium in lecto quidem, sed vigilè apertis planè ocu-
lis vidisse picturam elegantem, in qua viridi veste
amicta Beatissima Virgo, & parvulus in sinu Je-
sus augusto maiestatis aspectu videbantur. Ad Ma-
tris cælestis dexteram erat S. P. Ignatius, qui Re-
ginæ cæli P. Realinum offerebat pone de utroque
genu supplicem, Virgine Bernardinum aspectu
osculoque dignatâ, eumque libenter accipiente
in fidem. *Beatus populus qui celebranda beatitudinis tuæ
desiderio flagrat.*

S. P. Igna-
tius.

S. Ioseph
conf. 7.
Martij
ad B. V.

1075. Franciscus Marius Sacerdos sædis vlce-
ribus coopertus, dixit visam sibi videri Beatissi-
mam Virginem, quam prostratus in genua P. Real-
inus (tunc iam mortuus) pro ægri salute orabat.
Annuir, & promissit illi ægri sanationem Virgo;
sed simul imperauit, ut æger vngeretur oleo lam-
padis MARIANÆ. Fecit imperata æger, & intra octo
dierum interuallum planè conualluit. Corporis, &
animæ sanitatem ab ea poscens, Ioannes Damasce-
nus Fluctus, ait, *mitiga ærumnosissimæ animæ meæ, &
dolores carnis seda, tu quæ sola sine dolore amatorem
hominum Deum peperisti.*

Dom. ad
vesp. ode

1076. P. Ludouicus de Alabes Indus, hoc anno
in.

in odium fidei trucidatus, Deiparæ colendæ per-
studiosus, ab ea ei ter locuta ex imagine certior
factus fertur, fore ut in odium fidei caderetur, die
quoque nominatim præstituto, ut retuli in Anno
dierum, mortiumque illustrium.

ANNO MDCXVII.

1077 Quanto operæ pretio sit cohortatus
P. Martinus Guttierrez Patrem Franciscum Suarez,
hoc anno extinctum, ad B. Virginis gloriam su-
pra omnia omnium Sanctorum gratiæ & gloriæ
decora Scholastico etiam ingenio celebrandam,
quàmque id benè præstiterit Franciscus, audi è
P. F. Elia à S. Teresa sic scribente: Quin & aliquan-
do B. Virgo P. Martino Guttierrez actum gratias
veniebat quòd Francisco Suarezio autor fuerit, ut
in sua prælectione publicà professus fuerit; plus gra-
tiarum, & donorum eam solam recepisse quàm reli-
quos omnes Sanctos simul.

1078 Thomam Stilintonum Messanæ in tiroci-
nio morientem sacra obedientiæ religione coactum
hæc de se dixisse restantur qui illi adfuere. Aiebat
se in Flandria inter precandum de salute satagenti,
& absorpto videre sibi visum Beatissimam Virgi-
nem Matrem Dei inter Beatos Patres Ignatium,
atque Xaverium; à qua Thomas duci sibi videba-
tur manu prehensa per viam aliquam pulcherrimæ
amœnitatis, ad fabricam quandam insigni operæ
augustam. Huc ingredi, aiebat Virgo Thomæ:
hæc erit habitatio tua. Augustam illam molem
aiebat Thomas fuisse templum Societatis. Tum
oratione ad Beatos PP. Ignatium & Xaverium
versa dicebat Virgo: Hic iuuenis vester est: habe-
te illius curam: ego illum vobis committo. Ita
videri Virginem, & omnia, desisse. Pulcherrima

S s s 2

sunt

18. Nou.

Ingenio
illam co-
lere.

Legatio-
nis l. 2. c.
31. n. 61.

1617.

15. Sept.

Vocatio.